



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Et Vindiciae B. Richezae Comitissae Palatinae Rheni Reginae Poloniarum

Gelenius, Aegidius

Coloniae Agrippinae, 1649

Benevolo Lectori.

urn:nbn:de:hbz:466:1-9541

BENEVOLO LECTORI.

Quemadmodum, Beneuole Lector, homines oculorum aciem perspicilio armâtes, existimant eodem, quo vitra, colore omnia tingi, ita calami sinistra scriptorum opinione imbuti, posteritati referunt liuidas censuras: Sic Ælius Lampridius Ethnicus Scriptor pessimo colore Augustissimam Heroïnâ Alexandri Severi Cæsaris matrem Diuam Mammæam depingens ait: *Cum (Alexander) puer ad Imperium pervenisset fecit cuncta cum matre, ut illa videretur pariter regnare, mulier sancta, sed auara & auri atque argenti cupida.* Ita per hominem à sanctitate Christianæ fidei alienum, quod ab ipsa, quam sanctam appellat, de ludorum & spectaculorum immensis sumptibus ad pauperum alimoniam deriuatum fuit, non parsimonix & charitati erga proximos, sed auaritiæ & cupiditati attributum est; proinde Mammææ honorem iustâ defensione propugnant duo Clarissimi Soc. IESV scriptores Petrus Halloix Leodius in defensione Origenis pag. 137. & Hermannus Crumbach Vbius in vindiciis Vrsulanis pag. 332. quorum hic Mammæam non solum ab auaritiæ & ambitionis maculis vindicat, sed etiam pro Christi nomine martyrii lauream adeptam ostendit: Eandem cum Diua Mammæa iniuriam, cum aliæ sæpè Viragines, tum passa est Diua RICHEZA Comes Palatina Rhœni & Poloniarum Regina Fundatrix in Vbiis celeberrimi Bravvilerensis monasterii, & cæterarum Ecclesiarum liberalissima dotatrix, cujus honorem ab auaritiæ & ambitionis nota propugnandum ante plures annos suscepi, hortantibus diuersis, imprimis Excellentissimo Abrahamo Bzouio Polono, sed opusculum variis impedimentis ab euulgatione præpeditum, nunc dum omnis Principum reuerentia à rebellibus passim subditis exiuit, sic vulgandum existimaui, ut vna ostendam, modernos Europæ Proceres Sacrosancti generis sui natiuam vim ab Ipsa & aliis sexaginta quatuor Diuis Maioribus hausisse.

Ex litteris quondam Clarissimi viri Domini ABRAHAMI BZOVII Poloni Bibliothecarii Pontificii, ad D. ÆGIDIUM GELENIVM, &c.

DE vestra & nostra RICHEZA, quam Dominatio tua illustrare pergit, non alia potui videre quam quæ nostri Historiographi Polonæ incuriositati prodidere. Illius Integritatem & Innocentiam, si Dominatio tua, à contumeliis atque calumniis vindicauerit, mihi imprimis gratissimum fuerit, qui Regum folia quam sanctissima eminere desiderauerim, à quorum splendore vniuersorum salus. Proinde id quidquid est radiorum in RICHEZAM Dominatio tua contulerit, plusque libens legam, & si qui ex vestris Sanctis Colonienfibus in meos quos præ manibus habeo annales Ordinis Prædicatorum poterunt inseri, rapiam atque meos vel inuito Domino faciam. &c.

CENSURA ORDINARII.

EX Commissione Censorii Ordinarii diligenter perlegi Historiam vitæ B. RICHEZÆ, & pro ea Vindiciæ Amplissimi Viri D. ÆGIDII GELENII, Consilij Ecclesiastici & Historiographi suæ Electoralis Celsitudinis &c. Canonici & Scholastici S. Andreæ: nihilq. reperi vllius reprehensione dignum; quin potius magno labore & cura erutam obseruo veritatem, quæ pænè sepulta vetustatis virgine, calumniis tantum non occumbebat: hanc autem in lucem protrahi & in libertatem vindicari, certe interest Reipublicæ. Tantoque legi hoc opus auidius maioreque cultu, quod nuper inciderim in Auctorem quendam, inter Scriptores Germaniæ, qui odio nationis BLANCAM quoque Reginam Franciæ, integram & Sanctissimam mulierem, matrem S. LVDOVICI, calumniatus est, non secus ac B. RICHEZÆ contigit. Sed prodeat in lucem veritas, & sese legentium animis insinuet. Datum Colonia. 27. Martii. 1649.

F. IOANNES MANTELIVS S. Th. D. Prior Augustin.

Sere.